

DISSERTATIO MEDICA
INAUGURALIS
DE
PERIPNEUMONIA.

QUAM,
DEO FAVENTE,
Ex Auctoritate Magnifici Rectoris,
D. JACOBI GRONOVII,
HIST. ET GRÆCÆ LING. ET ELOQ. PROFES-
SORIS ET ACADEMIÆ GEOGRAPHI.

NEC NON
Amplissimi Senatus Academici Consensu,
& Nobilissimæ Facultatis Medicæ Decreto,
PRO GRADU DOCTORATUS
Summisque in MEDICINA Honoribus & Privilegiis ritè
ac legitimè consequendis

Publico ac solenni examini subjicit
ANTHONIUS LE ROY, Rott. Batav.
ad diem 17. Martii, horâ locoque solitis.



LUGDUNI BATAVORUM,
Apud ABRAHAMUM ELZEVIER, Academiæ
Typographum. M DCC XI.

Viro Venerando

D. DANIELI LE ROY In Ecclesia, quæ Christo colligitur Rotterodamo, Pastori fidelissimo, Parenti omni amore & obsequio ad Rogum usque colendo.

U T E T

D. CORNELIO VAN ROOJE, Fratri per affinitatem dilectissimo.

D. ADRIANO SCHERMER, Avunculo plurimum honorando.

Mercatoribus Vigilantissimis.

N E C N O N

Viris Clarissimis, Expertissimis, Acutissimisque.

D. FREDERICO DEKKERO, Med. Doctori, & in hac Illustrissima Batavorum Academia Praxeos Medicæ Professori ordinario.

D. HERMANNO BOERHAVE, A. L. M. Phil. & Med. Doctori, eademque in Academia Medicinæ & Botanices Professori longè Celeberrimo Promotori meo in æternum venerando.

D. WOLFERDO SENGUERDIO A. L. M. Phil. & J. U. D. Illiusque facultatis in hac Academia Professori ordinario; Bibliothecæ Publicæ Præfecto,

Præceptoribus plurimum de me meritis semper summa cum observantia colendis hanc Dissertationem.

D. D. D.

ANTHONIUS LE ROY.

Auctor.



DISSERTATIO MEDICA
 INAUGURALIS
 DE
 PERIPNEUMONIA,
 PRO OEMIUM.



*um studiis Academicis finem imponere a-
 nimum induxissem, & pro more consti-
 tutum sit, ut, si quis Doctorem gra-
 dum adscendere desideret, primò speci-
 men quoddam suorum studiorum in eâ ar-
 te seu scientiâ, publico omnium iudicio
 subjiciat, ventilandumque proponat; Nec non in tan-
 tâ elegantissimarum rerum abundantia hæsitarem, quam-
 nam mihi potissimum seligerem materiem ad hancce Dis-
 serta-*

sertationem inauguralem conscribendam; Contigit casu, ut, cum occuparer miram Pulmonis structuram & fabricam paulo penitius indagando, ex uno hujus visceris affectu, quibus plurimis laborat Pulmo, meam Thesin conscribere proposuerim; cum verò PERIPNEUMONIA principem inter hos locum occupet, animus ad hunc inclinavit; sed cum affectus hic ob multas controversias altiore egeret spiritu, vix, tenuitatis meæ conscius, ausus fui; sed cum omnia, si quæ recta posuerim, invitantur Cl. virorum omnium per artem curandorum morborum debellatorum FR. DEKKERI & HERM. BÖERHAVE documentis, ex quibus omnia, quæ scio, dum eorum Collegia tam publica quam privata frequentarem, hausi, his itaque tanquam firmo innixus talo, manum huic Dissertationi adhibui. Interim te L. B. etiam atque etiam rogo, ut si quid omiserim, aut rudiori methodo pertractaverim, id meo juvenili imputes ingenio, & tua humanitate ac benevolentia suppleas, resarciasquo. His ergo præmissis ad ipsam Dissertationem me conferam, hanc servaturus ordinem.

Primo ab Etymologia vocis exordiar, & datâ Definitione, Differentiis symptomata postponam, tumque signa Causis præmittam, dein Prognosin enucleabo, & tandem Curationem addam, & de Dieta quid monebo.

Caput

Caput Primum.

Vocis Peripneumoniæ Etymologia.

Haud in cassum fore duxi, ut rei pertractandæ clarum animo excitem ideam, si vocis, quâ hoc malum designare Medici solent, Etymologiam præmitterem. *περιπνευμονία* græcum illud vocabulum ortum suum agnoscit, ex præpositione *περι*, quæ hic denotat *circum*, *circa*, augeturque etiam in compositione significationem, & voce *πνευμων*, quæ Græcis Pulmonem significat, (*πνέω* enim illis est *Spiro*, *flo*, atqui tale instrumentum quo hoc fit est noster Pulmo perpetuo aërem inspirans iterumque efflans.)

Quibus ergo liquet *Peripneumoniam* nobis indicare aliquid acutissimi circa pulmones, hoc autem esse validam Inflammationem in sequentibus patebit. Optime quoque hic morbus nomine *περιπνευμονίης*, donatur tumque eadem erit vocis Etymologia, excepto quod hic addatur, non *α*, sed particula *ιν*, hancque plerisque morborum quibus additur nominibus frequentissimè Inflammationem designare, omnibus satis superque notum est. Utramque hanc itaque denominationem quam optimè nostro morbo convenire in sequentibus adhuc clarius elucescet. Quum vero illa vox *περιπνευμονία* maxime in usum fuerit recepta, & ipse Hippocrates hoc vocabulum proprio morbo Inflammatorio Pulmonum voluerit, hinc eo ipso tantummodo utimur.

Si quis de Belgica denominatione fuerit sollicitus, sciat, Nostrates hunc intelligere morbum quum ajunt: *Gen onstekinghe der Longe / het lange vuur / het lange spel.*

Quibus in transitu positis rem ipsam aggredimur a morbi Definitione initium facturi.

Caput secundum.

Peripneumoniae Definitio.

Sed antequam de Definitione quid referam, haud in utile, me iudice, erit, si parvam visceris, in quo hic dirus morbus grassatur, descriptionem præmittam. *Pulmo, ergo, est viscus vesiculis constans infinitis, vasculis ingenti copiâ, ex Arteriis, Venis Pulmonalibus, Bronchialibus, ortis, interpositis, totum ferè Thoracis cavum occupans, in duos magnos lobos divisum, continuo aërem recipiens, iterumque emittens, & sanguinem è dextro corde in sinistrum transmittens.*

Dixi Pulmonem constare vesiculis; *vesiculae autem istæ sunt sacculi membranosi exigui, ubique finibus asperæ arteriæ appensi, qui, intrante aëre in Pulmones, dilatantur, & aëre iterum egrediunte, flacciscunt.*

Ad Definitionem autem quod spectat, sunt qui dicunt *Peripneumoniam esse Inflammationem in partium interiorum Pulmonis.* Alii autem statuunt *esse Inflammationem membranae Pulmones investientis;* Sed, salvâ aliorum Virorum famâ, hacce definitio mihi magis arridet, sc. quod *sit Inflammatio in vasis Pulmonum inflammationi concipiendæ aptis.* Veruntamen non semper in omnibus simul contingit ea; nam tum esset totus Pulmo inflammatus, unde non morbus, verum mors certa adesset. Illa inflammatio ergo potest tum in arteriis Bronchialibus, in Pulmonicis, & lateralibus lymphaticis oboriri. *Inflammatio autem* (liceat hujus

hujus vocis Definitionem, ut meam hujus mali ideam plus palam reddam, addere) *est impeditus cruoris rubri arteriosi & lymphaticis in arteriis Lymphaticis transitus in minimis canalibus cum motu premente a tergo.*

Caput Tertium

Peripneumoniæ Differentiæ.

Peripneumonia deffert.

1° **Q**uod oboriri possit tam ad fines Arteriæ Pulmonalis, quam in arteriis Bronchialibus, quæ prior posteriore longe periculosior est; tota enim massa sanguinis per priora vasa transire debet ad nutriendum rotum corpus, quibus jam obstructis liquet statim quantum discriminis secum ferat, posteriora verò tantum pro nutritione Pulmonis inserviunt: Sed tamen priorem ex posteriore nasci posse certis ratiociniis probari potest

2°. Quod sit *VERA*, vel *Notha*.

VERA est, quæ oritur a causa generalis inflammationis, de qua postea.

Notha seu *Spuria*, quæ plerumque hyeme a frigore, aut verno tempore a calore accidit, oriri solet ex pituitâ lentâ in toto sanguine nata, cujus causæ antecedentes plerumque ansam præbent assumpta farinosa cruda, austera immatura, inopia boni cruoris, vasorum & viscerum debilitas, præsertim corporis motus hyemali tempore vix vel non exercitatus.

3°. Quæ oritur *alio morbo prægresso*, ut post Pleuritidem vel aliam Inflammationem, quando sc. illud, quod ibi impactum erat, resolvitur ita, ut per illos canales transire potuerit, sed tamen per hæc, fortè minora, vasa transire nequeat, atque sic obstructionem creet.

Peri.

Peripneumonia autem quæ fit a *Pleuritide* mala. Secundum Hippocratem Aph. 11. 1. 7. vel quæ non alium morbum subsequitur, sed ex se ipsa primam duxit originem.

Caput quartum

Peripneumoniæ Symptomata.

Symptomata hujus morbi varia sunt respectu ejus gravitatis, quæ, pro vase obstructo vel obstruente materia, se habet: Nam si arteriæ Pulmonales inflammationem susceperunt, symptomata magis exacerbescunt; tum enim sanguis qui e dextro Corde, per arterias in sinistrum transire solebat, ad fines istarum arteriarum stagnat, & propter pressionem sanguinis a tergo affluentis, vasa illa extenduntur, parsque liquidissima, quæ sanguini inerat, propter prædictam pressionem exprimitur, ut ita dicam, transsudatione, per laterales canales puta, tenue, nequaquam crassum, admittentes, se subducendo; ergo pars crassior remanet, obstructio major & major fit, sicque via occluditur sanguini transfluenti ad Cor sinistrum; Unde tantam copiam cruoris, ac ante recipere, & versus omnes corporis partes expellere, nequit; Hinc *Debilis* summa oritur, *Pulsus*que est *exilis*, *mollis*, & quia Cor sinistrum nunc majorem, nunc vero minorem copiam sanguinis recipit, etiam est *inaequalis*. Cum autem *Pulmo* gravis, *explicari*que propter rationem dictam *Impos* sit, vesiculæ illæ inflante aëre distendi nequeunt, obstat quippe repletio vasorum nimia, undequeque ponderantis aëris columnæ summo opere resistens; Hinc *Respiratio* est *parva*, *crebra*, *difficilis*, *erecta*, & *ruficulosa* quoque a materia aggesta majorem attritum hinc Pulmonis

monis stimulum causante. *Rubor faciei, genarum, &c.* Infolitus adest propter Pulmonis Cordi vicinitatem, hinc celeriore sanguinis motum, quum sanguis ex jugularibus venis sese evacuare; propter repletum Cor, nequeat.

Malo autem adhuc citius ingravescente, tandem suffocati cum anxietate summâ & delirio moriuntur Peripneumonici.

Symptomata jam, ei malum ex obstructione Pulmonalium artieriarum ortum duxerit, dixi. Si vero Bronchiales obstructæ sunt artieriae symptomata non ita urgent, quia sanguis liberius per Pulmonales Arterias transfluere aliquamdiu adhuc potest, id circo *Debilis* illa non ita adest, nisi prior Inflammatio simul comes sit, nèque *Pulsus* tam *mollis* & *exilis* est, sed *durior* & *major*. Galenus enim *libr. 4. De caus. puls. pag. m. 101. class. 4.* dicit; *Quod sit in Peripneumonia Pulsus magnus, & undosus quid habens, & languidus & mollis, &c.* *Respiratio* etiam multo *facilior*, est, & *alia symptomata* longe sunt *mitiora*.

Caput Quintum.

Peripneumoniæ Signa.

Signa diagnostica Peripneumoniæ multa jam allata sunt, ut phænomena Respirationis, Pulsus, debilitatis, faciei, ruboris, &c. Restant vero alia præter dicta signa, unde Peripneumonia cognoscatur, sed cum Pleuritis multa etiam signa huic affectui haud dissimilia habet, differentiam ejus addere; & signa jam enumerata repetere cogor.

B

I. Au.

1^{um}. Autem est *Febris acuta* quæ vehementior pro morbi statu.

2^{um}. *Tussis* vel *secca* vel *humida*, quæ exoritur, cum aër inspiratus intrat vesículas Pulmonales, & elasticitate suâ, accedente calore illos expandere conatur, sed quia via occluditur, ita ut illa expansio impediatur præ Inflammatione, irritentur illæ partes, ex qua irritatione *Tussis* oboritur *secca*, si vero diu durat, & ægre conditio non nimis stricta, & liquida non nimis exsiccata & compacta fuerint, sit *humida*, quia præ continua irritatione runicæ Trachæ internæ, & Bronchiorum glandulæ, quæ sua emissaria in illa cavitate habent, majori copia liquidum secretum effundunt, sicque *Fussis* perseverante orificia illarum glandularum ampliora fiunt, ita ut globulos sanguineos tandem admittant & transmittant.

Hæc duo Pleuritis etiam pro suis signis diagnosticis agnoscit.

3^{um}. *Spirandi difficultas* hic major est, quam in Pleuritide, ob rationem prædictam.

4^{um}. *Pulsus* hic est *mollis*, &c. in Pleuritide vero est *durus*, ut in omni Inflammatione; fluxus enim sanguinis quia in multis prohibetur arteriis, & venis tamen revehitur, celeriore per aperta loca obtinebit fluxum, unde symptomata, ut febris, &c. ortum suum trahunt.

5^{um}. *Dolor obscurus, gravativus, & profundus*, teste Riverio Prax. Med. lib. VII. cap. 3. pag. m. 305. ubi dicit, *Dolor gravans & profundus eximo ad pectus & spinam pertingens, &c.*

In Pleuritide verò dolor est punctorius, quia membranæ exquisito sensu gaudent; congeries enim est vasculorum minimorum, quæ cum distenduntur ita ut in statum rupturæ proximum ponantur, hincque dilaceratæ punctorium illum dolorem inferunt. Sed aliquis mihi fortè objiciet, cum
in

in membrana dolor ille observatur cur hic non ; Pulmo enim etiam habet membranam eum investientem. Sed Galenus pro me respondebit ; duas enim dat rationes libr. 4. De loci affectibus cap. 5. Class. 4. ubi dicit, quod *Pulmo duos nervos perquam tenues a sexta nervorum e cerebro ortorum conjugatione recipit, extrinsecus per membranam ipsum contingentem dispersos, & qui per visceris profunditatem non extenduntur : verum Thoraci, multi ab internis, multi etiam ab externis partibus adveniunt nervi, quibus facile dolores percipi possunt.*

Altera est, quod *Thorax*, cui *Pleura* annectitur, *musculis ossibusque abundat*, quæ tensioni resistunt, unde necessario major dolor, *Pulmo vero laxus est, atque a compressione aut contusione tutus*, statim enim tensioni cedit ; hinc dolor non tam magnus quam in *Pleuritide* ; quibus adde quod *Pulmo* non tantum ab *Cerebro*, sed maxime a *cerebello* nervos accipiat, hosce vero tantum motui vitali, non sensui, destinatos esse, egregiis experimentis demonstrant *Anatomici*.

^{6um}. *Rubor faciei, oculorum, &c.* In *Pleuritide* vero rubor ille non apparet, nisi *Peripneumonia Pleuritidè* conjuncta sit, tumque vocatur *Pleuropneumonia*, cum *Pleura*, & *Pulmo* simul, inflammata sit, quod multoties accidit : Dicit enim *Th. Zuingerus* in parte posteriori sui *Theatri Praxeos Medicæ* pag. 367. *Credimus autem longe frequentius Pulmonem & Pleuram simul quam alterutram solum partem affligi.*

Caput Sextum.

Peripneumonia Causæ.

Causa immediate proxima Peripneumoniæ est obstructio seu stagnatio sanguinis in Pulmonali arterioso genere. Causæ vero, antecedentes, medicis *απορρυήναι* dictæ, quæ hanc obstructionem seu stagnationem efficere valent, si annumerantur inveniuntur in hisce,

α. Vel in vitiatis vasis arteriosis.

β. Vel in vitiatis liquidis.

γ. Vel in utrisque vitiatis simul.

In arteriis autem hæret vitium, quando diameter aperturæ diametro spheræ transfluentis minor fit; quod autem oriri potest ab externâ compressione, vel quando fibræ arteriarum spasmodice contrahuntur; vel quando vasa minima, quorum intertextu membrana fit, unde illud vas majus constituatur, sunt tumefacta, vel quando vasa nimis sunt flaccida, &c.

In liquidis autem hæret, quando figura partium fluentium spherica mutatur in aliam majorem superficiem habentem, vel quando viscositate ad se invicem quasi agglutinantur, & propter vasorum debilitatem à se invicem separari nequeunt, vel quando globuli sanguinei loco aberrantes intrant vasa conica vel lateralia finem tranare non potentes. (*Cl. HERM. BOERHAVE Medicin. & Botanices Professor, vir incomparabilis, in quacunque arte medicæ peritissimus, Præceptor meus & Promotor summe honorandus, fusius hæc scripsit in illo parvo sed Doctrina fertili libello, de cognoscendis & curandis morbis, ubi de obstructione*

Etione agitur.) Cum jam hæc obstructio nata sit, illa symptomata exoriuntur, quæ memorata sunt in Capite de symptomatibus, quod vide.

Causæ vero hunc morbum præcedere solitæ, quæ *αἰτιασιν* dicuntur, ex 6. R. N. N. vulgo dictis ortum suum habent: suntque sequentes.

1°. *Ær*, qui nos ambit, in quo vitam degimus, quem respiramus, & sine quo ne parvo quidem tempore vivere possumus, multum ad hujus morbi productionem præbet, sc. cum corpus nimis incallescens aëri frigido subito exponitur, quod facillime contingere potest autumnò, tum enim matutino tempore est frigidior, circa Meridiem vero æstus, circa vespæram iterum frigus, hinc eo tempore, ut & Hyeme plerumque hujus generis morbi grassantur teste Hipp. Aph. 23. §. 3. *Hyeme vero*, dicit, *Pleuritides*, *Peripneumoniæ*, *Lethargi*, &c.

2°. *Cibus & Potus*, qui cum majori copia assumuntur, & particulis viscidioribus & tenacioribus, & acido austeris abundant, Chylum, qui ex his conficitur, ejusmodi indolis reddunt; adde abusus vinorum austerorum & spirituosorum. Hipp. etiam dicit in libro de aëre, aquis & locis, usus aquarum lacustrium, & stagnantium Peripneumoniæ generandæ idoneus est; dicit enim in illis regionibus frequentes observari Peripneumonias.

3°. *Motus corporis & exercitium vehemens*, præsertim post diurnam *Quietem*, tum enim sanguis multo celerius quam antea motus, & idcirco velocius fluens, particulis suis subtilioribus per Diaphoresin aut insensibilem perspirationem privatur, crassiores vero remanent; hinc obstructio fieri potest, præsertim si immediate potus frigidus majori copia subito assumitur, ab eo enim frigore subito contrahuntur vasa, hinc liquidorum partes motu & calore

distentæ & rarefactæ jam per contracta vasa sistuntur.

4°. *Somnus & Vigiliæ* etiam suam symbolam huic obstructioni adferre queunt.

Somnus enim teste Sennerto naturales evacuationes atque excrementa detinet, crudos & pituitosos humores cumulat, spiritus animales ob pituitæ coaservationem obscurat, unde omnes actiones fieri necesse est.

Vigiliæ autem nimix contra spiritus dissolvunt, corporis vires labefaciunt, coctionem impediunt, cætera de his apud Auctorem nominatum in libr. 2. Cap. 2. pag. 222. videre possunt.

Hipp. etiam Aph. 3 s. 2. & 71. s. 7. ait, *Somnus & Vigiliæ modum excedentia morbus.*

5°. *Excreta & Retenta* annumerantur, cum autem alimenta assumpta & in Chylum conversa, per venas lacteas non secernuntur, verum una cum fœcibus excernuntur, sanguis necessario, refectione novi liquidi carens, debet fieri crassior, quæ & eadem contingunt, si alii utiles humores intempestive evacuentur;

Cum vero excrementa, quæ evacuari deberent, retinentur, sicque etiam hunc morbum excitare possunt.

6°. Tandem *animi perturbata* recensentur, quæ primaria sunt, Ira, Gaudium, Timor, & Mœstitia, quæ varios effectus in corpore producere imo & nostris causam, ut restantur auctores, esse possunt. Ira enim spiritus & sanguis summo opere agitantur, si vero jam sanguis nimis viscidus vel tenax sit, ut tam cito per minora vasa fluere nequeat, obstructionem statim creat.

Peripneumonix Nothæ causa ex Differentia in capite secundo pertractata colligi potest.

Caput

Caput Septimum.

Peripneumonice Prognosis.

Ad Peripneumonice Prognosin quod attinet, morbus est summe periculosus propter respirationis necessitatem, & Cordis vicinitatem (nam ut Celsus dicit, hoc sane morbi genus plus periculi quam doloris habet,) imo & lethalis si inflammatio sit in toto Pulmone, ut antea monuimus, & symptomata valde urgeant, tumque apud Auctores hæc inter signa Lethalia annumerantur, sc. cum Vigiliæ sunt continuæ, aut somni breves comatodes, extremorum frigiditas, & stertor cum maxima respirationis angustia adest, ungues si sunt lividi & incurvi, *sputum si sit vel nigrum, vel fulvum vehementer, vel spumans, vel impense foetidum, vel non omnino expuitur, ingenti spirandi difficultate hominem occupante*, teste Galeno pag. 89. Class. 3 inter signa lethalia recensenda esse, inter hæc idem auctor annumerat sequentia, In spur. pag. 35. ubi dicit, *Urina rubra, vel nigra cum variis nebulis mortem futuram ostendit*. In Comm. 2°. de morb. vulgar. pag. 833. class. 3. inquit, *qui suffocantur pinnae narium movent*.

Aliqua tamen, verum non certa, spes super est ægrum salvatum iri, si inflammatio in uno tantum Pulmone locum in festat, symptomata sunt mitiora, & sequentia signa adsunt sc.

1^{um}. *Virium robur*. (nam ut dicit a me jam toties citatus Galenus Pag. 63. Class. 3^a. *Una salus peripneumonice Pleuriticis &c. virium robur*.)

2^{um} *Sputum subflavum*, copiosum, sanguineis striis sed minori

minori copia tinctum, in initio excretum, cum symptomatum mitigatione.

3^{um} *Alvi fluxus* biliosus similia ut in sputo dicta sunt ejiciens cum levamine.

4^{um} *Urina copiosa*, crassa hypostatica cum sedimento a rubedine sensim ad albedinem vergens, & ante septimum diem reddita. Urina vero Teste Hippocr. in Coacis circa initium crassa, & postmodum ante diem quartum tenuis facta, mortem protendit.

5^{um} *Hæmorrhagia narium* major minorve superveniens boni est ominis Teste Cl. FRED. DEKKERO *hujus Academiae, Prax. Prof. per multos annos expertissimo, Præceptore meo reverendo in sua Praxi, quam in privato Collegio Cl. pertractat.*

Caput octavum.

Peripneumoniæ Curatio.

Ultimo jam pervenimus ad Curationem, sc. pertractationem eorum, quæ agenda habet Medicus hocce in morbo periculoso; per se autem si sineretur hoc malum absque medela, ægrum incolumem futurum vix crederem; si enim recordemur exitus ejus esse ut omnis Inflammationis, quæ vel resolutione solvitur, vel in suppurationem seu abscessum, gangrænam, sphacelum, scirrhum, vel cancerum abit, quorum omnium optimus est exitus resolutio; qui vero sequitur majoris est momenti, & reliqui sequentes pessimi sunt. Cum autem prior melior, ut diximus, sit cæteris, semper est tentandus, qui faciliori Marte procedit, si æger gaudet laxa temperie, & humor fluens sit blandus, nec motus

tus velox, nec obstructio magna fuerit in arteria Bronchiali, vel Pulmonali minima, & canales adhuc mobiles existerunt, sc. quod expandere sese adhuc possunt, tum enim per diluentia, interne & externe applicata, specie Decocti, Clysmatis, Vaporis, Fomenti, &c., illud quod ibi impactum est, resolvi potest: Si vero humor prædictus valde sit agitatus, obstructio multo major, & resolvi impos fuerit, tandem illa obstructa vasa, præ nimia distensione rupta, suos liquores effundunt, & præ continuo motu leviter putrefaciunt, &, simul cum partibus dissolutis ruptorum vasorum, in humorem album vulgo Pus dictum convertunt, tumque in suppurationem terminatur inflammatio. Cæteri inflammationis exitus videri possunt apud jam laudatum virum Cl. HERM. BOERHAVE in libello supra nominato, ubi de Inflammatione loquitur.

Ut bonum Curationis servem ordinem, Medicamenta quædam simplicia, ut & composita, hoc in casu convenientia præmittam. Inter hæc sequentia recensentur. Si acre molliendum, strictumve laxandum, laudantur Rad. Alth. Consolid. maj. Liquirit. Fol. Alth. Capillor. Veneris. Malv. Melilot. Parietar. Pulmonar. Samb. Scabios. Viol. Flor. Alth. Malv. Melilot. Parietar. Sambuc. Scabios. Sem. Papav. Alb. Lilior. alb. bulbi Aq. Pur. Scabios, Syrop. Capill. Vener. Ol. Anygd. dulc. Olyv. Palm. Pingued. Flomin. Anatum Anser. Capi. Medulla. Ubi vero spissum tenuandum, tegne stimulandum, & movendum, tum adhibetur Rad. Angelic. Apii, Arist. Asparag. Fænic. Gramin. Ireos., Petrosel. Rusci. Fol. Agrimon. Tussilag. Flor. Camomill. Sem. Jenic. Urtic. Bacc. Lauri, Juniperi. Aq. Pur. Hyssopi, Tussilag. Syrp. Hyssopi, Tussilag. Oxyamel. simpl. & scillitic. Plurima vero alia, quæ hic annumerare potuisssem, sicco quasi pede transeo, & ad ipsam Curationem Therapeuticam me confero; Hæc autem varianda est pro statu morbi, & symptomatum diversitate;

C

veritate; nam quod uno tempore juvaret, hoc, eodem in morbo, alio tempore noceret, neque enim & ipsa modo laudata medicamenta semper conveniunt; sed pro vario morbi statu & exitu, varia ex iis eligenda erunt.

Cum autem hujus morbi Curatio optima sit, ut antea monuimus, quæ fit per resolutionem, omnem opem navare debet Medicus, ut per hanc morbum hunc ad finem perducatur.

Si jam observantur illa, quæ supra hoc in Capite de resolutione diximus, tum æger quietus corporis animique esse debet, aërque tepidus humidus necesse est ut inspiretur, quod fit evaporatione aquæ calidæ per os vel nares ad Pulmones delatæ, medicamenta simul ex diluentibus, nitrosis, mellitis constare debent. ut V. G.

℞. Hord. mund. ℥ij.

Coq. in suff. q. aq. comm. colat. ℥ij. add.

Nitri pur. ℥ij.

Oxymell. ℥iv.

M. F. Decoct.

De quo sæpius sumat haustum calidum.

Si vero sputa (n°. 2°.) ad finem Prognosis memorata, adsunt, Medicus his succurrere debet, ne illa retineantur, morbusque sic pejor evadat, hinc avertenda omnis Purgatio, Venæ S., sudoris expulsio, & ejus commatis alia, quæ hic minime conducunt, quia horum præsentia fit derivatio ad alia loca, unde sputa inhibentur. Ergo æger, ut illa faciliori Marte procederent, iisdem, quæ supra diximus, utatur, interim emollientibus & sputa provocantibus non omissis. Decocta quia hoc in casu summopere conducunt, hic unum præscribam.

℞. Rad.

℞. Rad. Alch.

Chin.

Malv. a. ʒj.

Liquirit. ʒij.

Fol. Agrim.

Parietar.

Melilot. a. m. j.

Flor. Sambuc.

Malv. a. p. j.

Coq. f. q. aq. comm. ʒlxx. exhibe, quibus ad gratiam, & ut expectorationem facilius possunt addi,

Syrp. ruffilag. ʒiij.

Laudatur hic Balf. Sulph. anis. (hunc tamen multi usurpare non audent, metu inflammationis facile acrimonia olei anisi excitandæ vel augendæ, neque illis multum obesse.) De decocto ergo præcedenti aliquoties de die hauriat. Si verò alvi fluxus, (n°. 3°.) in Prognosi descriptus, adest, tum clysmata lenia, quæ simul emolliunt, decocta ex herbis emollientibus, atque jam supra memorata conducunt.

Si vero signa urinæ (n°. 4°.) descripta adsunt tum iterum eadem profunt, sed derivatio magis ad illa loca fieri debet, quæ sit per fomenta ad renes applicata, clysmata dicta emollientia, & decocta leviter aperientia, ut V. G.

℞. Rad. Apii

Gramin.

Glyzirr.

Rusc.

Fœnic. a. ʒj.

Asparag.

Petrosel. a. ʒß.

Flor. Camomill. p. ʒ.

Sem. Alth.

Petrosel. a. ʒß.

Cum f. aq. copia decoct. ʒl. exhibe pro potu.

C 2

Si

Si autem æger habet corpus robustum, imprimis juvenile, paulo ante sanum, & Inflammatio sit recens & magna, quæ ex signis, in Capite de symptomatibus traditis, colligi potest, tum statim ad citam, largam, & pro morbi gradu variandam, imo repetendam V.S. deveniendum, ut illa pressio a tergo sanguinis affluentis minuatur, sicque amplior via diluentibus concedatur. Galenus etiam hæc toties monuit, ut pag. 7. *Class. 6. De venæ sect. adversus Erasistratum ubi dicit quis adeo demens est, ut sanguinis evacuationem non pronunciet, si æger sit juvenis & multo abundans sanguine*, &c. Rursus pag. 17. *ejusdem Classis de curand. rat. per sang. miss. Si Peripneumoniæ, Pleuritidi, &c. obnoxium esse hominem cognovimus, committendum non est, ut expectemus dum aliquod evidens plenitudinis symptoma appareat, sed antevertere sanguinis detractionem præstat.* Iterum pag. 18. *ejusd. class. eadem monet Galenus.* V. Sectione autem institutâ, æger vapores præscripti Decocti expectorantis vel similis continuo inhalet, & decocta diluentia, emollientia, antiphlogistica, resolventia parvâ copîâ simul sed continuò calidissime assumat, & clysmata antiphlogistica emollientia injiciantur. ut V. G.

℞. Rad. Alth. •

Lilior. alb. bulb. a. ʒʒ.

Herb. Malv.

Parier.

Mercur.

Branc. ursin. a. mʒ.

Sem. Lin.

Fenugræc. a. ʒij.

Coq. in f. q. aq. comm. colat. ʒxij.

add. Ol. Viol.

Chamomill. a. ij.

Nitr. pur. ʒʒ.

M. pro Clysmate.

Calide injiciendo.

Si

Si verò malum hoc hisce non cedat & symptomata fuerint gravia & ultra triduum perseverarint, credendum est, Inflammationem in suppurationem tendere, tumque V. S. est inhibenda, vel si tamen res urgeret parva est instituenta, & vapores calidi ex herbis emollientibus cum aqua decoctis assurgentes usque in quintum ab initio morbi diem sunt inspirandi. ut V. G.

℞. Fol malv.

pariet.

bis malv.

mercur. a. m. ij.

Tum aq. decoctorum vapor cum aëre inspiretur, ut & Decocta ex illis sunt assumenda, ut Pulmonum vasa intus & extus continuo madefierent, & ita melius Pus coqui, ut ita dicam, posset, die quinto & sexto eadem continuare, & illa quæ tussim leniter movent assumere debent, ut septimo die fortuna forte Pus jam coctum excrearetur, Mixture autem hoc in casu conveniens sit sequens.

℞. aq. decoct, hord. ℥iv.

hyssop.

tussilag a ℥i.

acet. Scillit ℥ij.

oxijm. scilit. ℥ij.

sal. poluchr. ℥ß.

syrp. Capill. vener. ℥ijß.

F. mixtura

de qua sæpius cochleare assumat. Si verò symptomata post dies criticos (quos Cl. Herm. Boerhave 3°. 5°. 7°. 9°. 11°. 14°. die a morbo inchoato annumerat) non mitiora extiterunt, sed æque ac ante urgent, imprimis si Tussis increseat, & respiratio post pastum vel motum parum adauctum difficilior fiat, & decubitus sit in latere affecto tantum tolerabilis, signum est jam abcessum vomicae, in Pulmone factam

C 3

esse,

esse, quod ubi si contigerit, omnem curam adhibere debemus, ut disruptio in asperam arteriam acceleretur, & ita Pus foras per os expelli queat: Disruptio autem illa ut bene procedat, debet æger primo alimentis mollibus & subpinguibus uti, prædictis emollientibus non omissis, ut Pus eo melius ad evacuationem aptum natum sit, tumque excitato clamore vel tussi ope vaporis aceti calidi per infundibulum ori appositum cum aëre simul inspirati, vel alia quacunque ratione; simulque corpus plus solito concutiat, ut ita dicam, quod fit in nave, rhedâ, sternutatione, &c. Pure autem jam foras expulso, locus ulcerosus depuretur quam citissime, quod fit continuatione medicamentorum prædictorum. Quid autem agendum habeat Medicus si Pus illud non per os, sed in pectoris cavo se evacuaverit, docent omnes qui de Empyemate curando tractant. Jam vero restat ut

DE DIÆTA

quid referam.

- 1^o. *Aer* qualis esse debet jam in Curatione monui.
- 2^o. *Cibus* debet esse tenuis, antiphlogisticus, constans a ex oleribus mollissimis, ut sunt Atriplex, Beta, Borag. Cichorea omnia, Endiv. Lactucæ fere omnes, Spinag. et sim. multa, vel,
- β. Ex farinosis, ut sunt Avena, tritic. fagopyr. hordeum, oryza, pistach. amygd. dulc., secal. &c. Ex his autem omnibus fieri possunt decocta, cremores, pulres, &c. vel
- γ. Ex succis maturorum fructuum horæorum crudis, vel cum aqua parum percoctis & saccharo si opus edulcoratis. Ut sunt omnium Pomorum, pirorum, & cerasorum genera acido grato seu dulci gaudentia; sambuc. succ. melon. mor. ribesi gener. rubi. Idei fructus, &c.

Pro *Potu* decocta inservire possunt, vel si aliquando
vino

vino gaudent, non nisi molle & dulcedari debet, & parva quantitate.

3°. *Motus* nullus nisi necessarius, ubi vero excitari debeat, diximus. Sed *Quies* sit corporis animique imprimis.

4°. *Somnus & Vigilia.*

5°. *Excreta & retenta*, hæc naturalem suum servare debent ordinem.

6°. *Animi tranquillitas* sint sedata, aut ad hilaritatem vergant.

En L. B. quæ mihi de hoc morbo erant dicenda, hanc dissertationem amplius elongare nolui, quamquam sat materiæ ad huc supererat, quia omnia breviter, ut patet, pertractavi, ne longâ Dissertatione tibi fastidium excitem.

Qui autem curiosus est, huncque morbum altius indagare animo habeat, is modo legat Aphorismos de Cognoscendis & curandis morbis HERM. BOERHAVE, qui optimus inter omnes, quos adhuc evolvi, Auctores de hoc morbo scripsit, ad hunc ergo Librum illum dimitto, atque impono

F I N E M.



